


籌辦夷務始末

同治朝
卷三之四

347.911
50000



籌辦夷務始末卷之三

咸豐十一年辛酉十一月丙戌。

諭內閣總理各國事務衙門奏。習教人眾。請分別良莠。飭令地方官妥為辦理等語。據稱法國條約內載天主教原以勸人行善為本。是以康熙年間曾經准行。惟近來各省習教之人。與不習教者。往往彼此齟齬。若不持平辦理。殊不足以昭公允。著照所請。嗣後各該地方官於凡交涉習教事件。務須查明根由。持平辦理。如習教者果係安分守己。謹飭自愛。則同係中國赤子。自應與不習教者一體撫字。不必因習教而有所刻求。僕或倚恃教民。不守本分。干預別項公私事務。或至作奸犯科。霸地抗租。

欺侮良民。則不獨為中國之莠民。亦即係伊教中之敗類。斷難寬貸。必應照例治罪。決不能因習教而少從寬假。各該地方官務當事事公平。分別辦理。以示撫綏善良之至意。

丁亥。烏里雅蘇台將軍明誼。塔爾巴哈台參贊大臣明緒。奏。等接准總理各國衙門文行。與俄國分界。緩俟明年四月十三日再辦。當曉諭該國派來柯米雜爾二員。令其先行回國。恭摺奏。

聞在案。旬日以來。等悉心商酌。細覈該國原定條約。復思該柯米雜爾。於七月間與等會見。言詞種種欺朦。殊多謊詐。始則不待查界覈圖。即欲議定。繼又請等先行文我境。

守卡官兵。聽其在境內運料鳩工。外託和好。內肆侵貪。覲
覲多端。窺伺已久。意在急遽商定。易行其詐。若不偏查確
勘。猝難與之會議。擬請將前定會議日期再與展緩。俾得
分派添派委員。各按本境周查。並請頒舊圖校對覈定。繪
具圖說。存俟改期會議。以憑與之理論。或不致受其欺混。
再該國原定條約。有指明我國境內。並有指明中華卡內
者。關係過重。不能遽與分界。謹擬事宜五條。開單請
飭總理衙門覈議。以便遵辦。

御批。總理各國事務衙門妥議具奏。單併發。

庚寅。署黑龍江將軍特普欽。齊齊哈爾副都統那敦德奏。

黑龍江城與俄羅斯一江相隔。自上年新定和約以來。拏等隨時嚴飭該署副都統愛紳泰。凡涉邊界事宜。均須遵照條約。妥切籌辦。並加意密防。毋稍疏懈。節經劄飭在案。茲據該署副都統先後報稱。本年俄夷往來船隻。並沿江夷屯居戶。俱各安靜無事。惟巡查邊界。擬請改照新定界址。以符條約。並請將續添防夷卡倫十三處內。查其無關要隘者。酌量抽撤七處。以節兵力等因。呈報前來。拏等溯查乾隆三十年奏定章程。每年派黑龍江城官兵前往格爾畢齊河口巡查邊界一次。又每屆三年。赴格爾畢齊河源至興安嶺梁巡查一次。惟上年新定和約內載此後兩

國東界定為由什勒喀額爾古訥兩河會處。卽順黑龍江
下流。其北邊地屬俄羅斯國等語。今黑龍江城巡查官兵
如仍照往年查至格爾畢齊河源並興安嶺梁等處。卽深
入俄夷地界。與新定和約不符。恐該夷藉口另生枝節。殊
有關礙。是以本年巡查邊界官兵等擬令改赴額爾古
訥河口巡查。並飭將巡查江左河道一差裁撤。具布特哈
處官兵向應查至精奇里西勒木迪牛曼等三處河道。該
處為捕打貂皮地方。仍飭遵照舊章巡查。以符現定條約。
至該署副都統擬請抽撤卡倫七處。查自咸豐四年俄夷
人船下駛。陸續添設卡倫十三處。原為防夷起見。額外加

增。今既分定界址。夷情照常安靜。自應酌量抽撤。以省餉銀而紓兵力。拏等悉心酌覈。擬照所請。將大黑河屯。敦吉林。四家子。喀路山。胡勒固爾布格木口子。格爾欽等七處卡倫。一併抽撤。其餘要隘各卡。仍著嚴加巡防。毋稍疏懈。御批。知道了。

庚戌。庫倫辦事大臣色克通額。阿爾塔什達奏。本年九月初六日。據兩盟沙畢佳班官員等呈報。有俄羅斯布里雅特奈丹同行二人。前往圖什業圖汗盟公達什多爾濟旗下。採買蓋房木料。拏色克通額。遂派部院筆帖式塔克什布。蒙古官巴圖鄂格勒等。前往該領事官處。將採買木料。

建蓋公所。雖非貿易。不可私行。務須報明等情。飭知該領事官百巴賴。並未見面。祇令通事雅枯布言稱。和約內俄羅斯國人。在你國各處。俱可任意行走。七八日內。我們商人。還往各旗去作買賣。遂復令庫倫管理商民事務章京和崑等。前往曉諭。我們各旗。並非通商之區。且和約未載。不可前去。通事雅枯布言稱。你等不必攔阻。我們俄國商人。定照和約第五條內。前往各旗去作買賣。拏色克通額。遂將俄商往各旗貿易。與和約不符之處。曉諭兩盟住班官弁在案。旋於十月初三日。該官員齋桑等呈報。今日俄羅斯商人牛車四輛。馱載貨物。前往東庫倫去作買賣。

臨行時我等三處官員。向伊勸阻。置若罔聞。竟將達什。巴爾。恩。車林。達什等三人。用火器腰刀打傷。又將車伯克。用拳亂打。由大道往來行走之人。內車林。扎布。打倒。該俄羅斯等。已竟前去等因。呈報。等。令。作。作。前往查驗。達什等五人。被打傷痕。並派部院章京和崑。主事春齡。蒙古官巴圖。鄂格勒等。前往俄羅斯領事官處。將此事會商辦理。該領事官亦並未見面。等。等。熟商該達什等五人。被打傷痕。不重。將私行前往庫倫貿易之人。暗派差役照看。該商人等有無別生事端。於本月十一日。旋回庫倫。此事似應按照兩國議定章程。令庫倫管理商民事務部院章京。與俄羅斯

斯領事官會同商辦。據伊處來文。照依和約。所有事件。領事官應與爾大臣會商辦理。與管理商民事務部院章京商辦。並不相合。等詳查和約第五條內。俄羅斯國商人。不拘年限。往中國通商之區。一處往來人數。通共不得過二百人。但須本國邊界官員給與路引。內寫明商人頭目名字。帶領人多少。前往某處貿易。並買賣所需食物牲口等項。所有路費。由該商人自備等語。並無前往蒙古各扎薩克旗遊牧處所貿易等語。適等處俄羅斯商人。僅由庫倫行走零星貨物售賣。聲明具奏。奉

旨。內祇許庫倫數人蓋房貿易。不可另生枝節。欽此。我

皇上仁慈特加

恩於外國。今俄羅斯令該國商人等去蒙古各旗遊牧貿易。並稱和約第五條相符。不必攔阻。實為得步進步。初次若不攔阻。日後漸漸興起。難保滋生事端。查

欽命總理各國事務衙門。劄文以後。庫倫大臣出派三四品官員。遇有事件。與俄羅斯領事官平行商辦等因。已經行知。俄國大臣。等將庫倫管理商民事務員外郎和崑等幾員。在差所請。

賞加頂翎。遇有事件。與俄國之領事官會同商辦。曾請具奏之後。由總理各國事務衙門。遵

旨覆議和崑等。各由原職。

賞加一級頂帶等因。具奏奉

旨依議欽此。今俄羅斯領事官。凡事與大臣會商辦理。實為不遵和約。任意肆行。又俄羅斯商人疊次來請。欲在哲布尊丹巴呼圖克圖所居之廟近處。租賃房屋居住。去年十一月。因俄國領事官欲在哲布尊丹巴呼圖克圖庫倫居住之廟臨近。建蓋房屋。曾經奏明在案。今俄國商人等又欲租賃房屋。若照依所請。相離呼圖克圖廟甚近。不成事體。請旨飭下總理各國事務衙門一併定章。令俄國大臣巴留捷克轉飭伊國之領事官百巴賴沁永遠遵行。

色克通額。阿爾塔什達又奏。據恰克圖部院章京阿克丹
布呈稱。俄國呈送槍礮。已到恰克圖。有鳥槍二千桿。礮六
尊。內擇留鳥槍數十桿。礮一尊。以備京營兵弁在此演試。
俄羅斯官齋法羅特斐利偏廓等言稱。由伊國呈送之鳥
槍。每桿重六斤餘。共鳥槍二千桿。礮每尊重一千一百五
十斤。連車大銅礮四尊。每尊重八百五十斤。連車小銅礮
二尊。連車火藥鉛丸匣八分。並槍礮應用鉗子一切零星
等物六包。交該部院章京等已經接收外。再稍有火藥鉛
丸匣。連車四分。陸續再交等語。該司員等遂將下餘之槍
礮。何時交齊之處。面詢俄國之瑪雨爾。伊言原送你國鳥

槍一萬桿。礮五十尊。今由五十尊內呈送六尊。下餘四十尊。改換補送阿爾切塔礮五百件。此項烏槍八千桿。阿爾切塔礮五百件。又添呈礮二尊。由承做處所已經起程。俱於本年十一月初間全行到恰克圖。又據俄官齋法羅特等稱。此次槍礮送京時。似應令善能修理之人。一同前往等語。今將接收之烏槍二千桿。礮六尊。恰克圖擇留烏槍六十桿。連車大小礮二尊。火藥鉛丸之匣二分。以備京營官兵在彼演試。其餘烏槍一千九百四十桿。連車礮四尊。連車火藥鉛丸之空匣等項。卽派員兵送赴

京師。俄羅斯等稱槍礮送京時。應令善能修理之俄羅斯一

同前往。指此為由。希圖進京。現今京營兵弁。學演鳥槍。上
卸修理各法。已有成效。俄羅斯等希圖赴京。應行阻止。未
交之槍礮。瑪雨爾言稱。今年十一月初間全到。伊固畢爾
那托爾與大臣巴留捷克等會商定後。再為呈交。又若不
准該商人等在蒙古各游牧處所貿易。伊之商人等帶兵
各處去做買賣。且各國俱准貿易行走。何為獨攔阻我國。
與和約並不相符。觀此種種設法牽扯之言。實無一定。俄
性貪詐。希冀在中國各處任意行走貿易。故作和好呈送
此項槍礮。因不准前往貿易。是以槍礮不肯爽利全交。伊
之商人帶兵前往貿易。此語係試探之意。今將在恰克圖

等候運送槍礮之駝隻並扎薩克官兵等。卽令各回游牧。
俟運送時再行飭傳。

諭議政王軍機大臣等。色克通額等奏。俄國商人擅往蒙古各旗貿易等情。並續交槍礮意涉推諉各一摺。俄羅斯商人擅向蒙古扎薩克各旗游牧處貿易。實屬不遵和約。並將達什等毆打。凡事不肯與派出管理商民事務官員商辦。並欲於哲布尊丹巴呼圖克圖之廟左近。租賃房屋居住。種種情節均屬背約。據該大臣等請飭總理各國事務衙門查照定章辦理。現已諭令恭親王等將所奏各節。照會該國住京之巴留捷克詳細究詰。令其嚴飭該國領事官。不得擅向蒙古各游牧貿易。並任意滋